

السفر والحنين

# السفر والحنين

شعر

عبد الفتاح الأحوّل

العلم والايمان للنشر والتوزيع

العلم والأيمان للنشر والتوزيع  
دسوق / ميدان المحطة / شارع الشركات

ت : ٠٠٢٠٤٧٢٥٥٠٣٤١

فاكس : ٠٠٢٠٤٧٢٥٦٠٢٨١

رقم الإيداع :

٢٠٠٥ / ١٧٥١٠

التقييم الدولي

I.S.B.N. 977- 308- 072- 2

مجمع وإخراج:

عبير السبير أبو شبل

حقوق الطبع والتوزيع محفوظة للناشر

تحذير:

يحذر النشر أو النسخ أو التصوير أو الاقتباس بأي شكل

من الأشكال إلا بإذن وموافقة خطية من الناشر

٢٠٠٦


## إهداء

إلى مروح والدتي مرحمها الله . . .


وإلى كل أم

إلى أسرة الفؤاد

إلى كل عاشق للحياة . . . والوطن



obeikandi.com



## ست الكل

يبوس قلبك .. وأبوس إيدك وأدعيلك في يوم عيدك  
يطول رينا عمرك وباخذ مني ويزيدك

يا ست الكل

بأدعيلك تعيشي لي تتور بسمنك ليالي  
ولو أيامي خاننتي في حضنك سعدي بيجبلي

يا ست الكل

في أحضانك لقيت فرحي ومن عطفك داويت جرحي  
بتحييني ... وتحميني وفي أمومتك يطول شرحي

يا ست الكل

حملتيني ورضّعت ورييت ومتّعت  
ولا قلبك في يوم فاتتي وفي العمر جمعت

يا ست الكل

في عمري إيه يوفيك ؟ ياريتـه كله يكفـيك  
وأكون مسرور عشان خاطرك وروحي الغالية تفديك

يا ست الكل

على جيبني بفرحة وحب كاتب جملة " ماليش غيرك "  
وفوق رأسي شايل فضاك بقول للدنيا " دا خيرك "

يا ست الكل

عليكي رينا وصي وبيك لازم اتوصي  
أهنيك ٠٠ وأرضيك تعيشي للحنان قصة

يا ست الكل

## القلب دايب

يا عيون أغلي الحبايب      في هواك القلب دايب  
يا أمل ساكن خيالي      يا نغم طاف الليالي

\*\*\*\*\*

من عبيرك .. من زهورك      نبض قلبي قال نزورك  
درت أبدر في الأمان      واحضن الشوق والحنان  
وابنى حاجز م الضفاير      يحجب الحاسد وغاير  
يا أمل ساكن خيالي      يا للي نورت الليالي  
من هواك القلب دايب      وانت حاضر.. وانت غايب

\*\*\*\*\*

في الصحارى وع الضفاف      رمل غني لما شاف  
نهر حسنك يروى شوقي      والزهور فوقك وفوقى

السفر والحنين

وف عيونك والشفاه      تبتسم لنا الحياه  
يا أمل ساكن خيالى      يا اللى نورت الليالى  
من هواك القلب دايب      وانت لى أغلى الحبايب

\*\*\*\*\*

اعلى بالشوق يا سمانا      واحكى للعشاق هوانا  
يجوا بكره هيمانين      ولهوانا مشتاقين  
داحنا قصة شوق وحب      واحنا قبله لكل قلب  
يا أمل ساكن خيالى      يا اللى نورت الليالى  
من هواك القلب دايب      وأنت لى كل الحبايب

## رضاك دينتى

رضاك نعيمى وجنتى

يا لى وهبتك دينتى

تحى هواك ومحبتى

اسقبنى شوقك .. ضمنى

\*\*\*\*\*

أفرد هواك فوق غصنهم

وولادنا زهرة عمرنا

نوهب هنانا لسعدهم

هم الحياة .. هم الأمل

\*\*\*\*\*

ولحبنا حافظ وصون

قرب لنا وخليك حنون

مهما جرى مش رح نهون

واحنا الدوا .. حنعيش سوا

\*\*\*\*\*

السفر والحنين

الهجر جرح صبرنا  
ارجع ونور عشنا  
أولادنا فيه .. أرواحنا فيه  
شوق عمرنا .. من صغرنا

\*\*\*\*\*

والبيت عروسة تنتظر  
وعيونها دبلها السهر  
وياك حيرجع فرحنا  
يجمع نجومنا بالقمر

\*\*\*\*\*

محلا وصالك والصفاء  
محلا الرضا بعد الجفا  
نحزن هوانا ونحرسه  
وقلوبنا يملأها الوفا

## نسيانك غلطتى

ليه عنى بتبعدى      وبهجرك تعنـدى  
يا ريتك تهتدى      وتعـودى لمعـدى

لتقولى غلطتى

خليت القلب رق      من حسنك دق .. دق  
ولحبنى قلت آه      ليه راجعة تقولى لأ

دا حبك غلطتى ؟

ليه هو الحب إيه ؟!      تتجنى ازاي عليه ؟  
دا هو العمر كله      مش عقد بتشتره

وتقولى غلطتى

سميت الشوق عليكِ      سهرته ف نور عنيك  
ومعايا القلب سلم      أوتاره بين إيديكِ ِِِ

إيه هى غلطتى ؟

مع إنى دنيتهك

حارمانى بسـمتهك

تطفياك شـمعتك

خايف لحظة غضب

وتقولى غلطى

ولحبنى تقدرى

لو كنت تفكرى

حسادنا وتهجرى

ما كنت تشمتى

وتقولى غلطى

حنسـاك وحبتهدى

لو سبت الشوق هدى

حتعيشى ترردى

ومهما تعندى

هجرانك غلطى

## زين الشباب

يا زين الشباب  
بنار الغياب  
بسحر الكلام  
نسجها الغرام

ساحرني غرامك  
وعذبت قلبي  
ودويت عمري  
محنة وأماني

\*\*\*\*\*

بهمس إليك  
بدوب بين إديك  
غياب السنين  
بزهر وحنين

وخايت فؤادي  
" يا فاتن خيالي  
أعد الثواني  
ومستتي تيجي

\*\*\*\*\*

لحبي وحناني  
وتسعد زماني

تقولي راجع لي  
تفرح وجودي

واسلم حياتي  
" لو الكل باعنى  
أمانة لحبيبي  
رضيتك نصيبي "

\*\*\*\*\*

يا عايش في قلبي  
منايا وهنايا  
وساكن بعيد  
تعود لى سعيد  
وأزوق طريقك  
ب دعوة حبيب  
واسمى واسمك  
ورجعة غريب

\*\*\*\*\*

حتيجى تلاقينى  
ونحضن هوانا  
بقيد الشموع  
بشوق الرجوع  
ونسعد قلوبنا  
وننسى العذاب  
فبي جنه وجودك  
يا زين الشباب

## الغريب

والبعد شوقنى قوى لحضنك

يا أمى ناديني ... أنا ابنك

يا نخلتى العاليلة

ناديني يا غالية

شغالة مش خاليلة

يا طارحة رجالة

للشمس والقمره

في الصمت بتكلم

ع الزرع والصحرة

والقلب ببيسلم

وبحبك اروبنى

يا أمى ناديني

يا مصر يا غالية

قيدي أحضانك

\*\*\*\*\*

بالبهجة وبروحى واهنيك

يا أمى ناديني .. أحنيك

وأصلى وأدعياك

حتوضى من نيلك

أعرق وأديك

ولآخر الدنيا

ع البحر شمسية

وأغزلك انفاسى

وتغازل الميعة

تسكنها أصداك

وبعطفك أروينى

بس أنت ناديني

يا مصر يا غالية

دلينى واهدينى

\*\*\*\*\*

قايدين في أهرامك قلوب عشاق

يا أمى حرقانا قوى الأشواق

دا الغربية طحنناهم

ننادى لأولادك

واللا انت ناسياهم؟

هى دى قسمتهم؟

والخير في همتنا

واحننا اللى باقيناك

ليه ترضى فرققتنا؟

فاردينه ع الدنيا

وف حضناك أوبنا

قومى وناديننا

يا مصرنا الغالية

بالحب ضمينا

يا جنة يا عالية

## إلى الغريب

يا ولادى يا قايدين حياة غيرى  
مشتاقه رجعتكم لنور خيرى  
عايزاكو من بدري  
وكفاية نار هجرى  
نسبـق سـوا الـدنـيا  
واكتب بكم عمري  
هنـونى بوجـودكم  
حنـونى بجهـودكم  
وف مـيتى الطـاهـرة  
قوموا اغلسوا ذنوبكم  
مـين غيرى هناكم  
وف عـزه رباكم  
عـودوا لمرسـاكم  
مقـدرش أنسـاكم

أنا أم يا ولادى

يا ولادى .. كل الدنيا عارفاكم  
همة وعزيمة .. فوق عيالكم  
دا الصخرة عاشقاكم  
سهرانة تسبب تنى  
تزرع محبتكم  
فى الرمل بسبتانا  
والبحر فى بعدادكم  
غرقان فى أمواجه  
والليل جفاه بديره  
من غيرى هناكم  
وف خيرره رباكم  
عودوا لمرسلكم  
دا القلب ب مأكم

أنا أم يا ولادى

يا ولادى مشلتاقة كتير طليكم طالت غيبتكم .. طن أطيالكم

عودوا لأولادكم ع دول همه أكبر اداكم

والأم .. والزوجة ما ناموا في بعادكم

وأن كنتوا بتقاسوا أنا الللى بتالم

والصبر ضاق بى من غير ما أتكلم

من غيرى هناكم؟ وبعطفه دفاكم؟

عودوا لمرسلكم في القلب شايلكم

أنا أم بتسامح

أنا مصر يا ولادى

## اللقاء

بالعمر بنهادى

في الصحره والوادي

بالهممة بتتادى :

وادحنا جينالك

وف قلبنا هلالك

دا يبين في آمالك

والحب موكبنا

والدنيا في ركبنا

قايدين كواكبنا

يا اغلى مخلوقه

وأن دنبا حنرعرع

رجالاه مبدوره

والله وحششتينا

طاييرين مع النسمه

تايبين عن الغربه

الشمس مركبنا

والبدر ونجومه

ياماى جينالك

\*\*\*\*\*

السفر والحنين

النيـل يحييكم

أهلاً بأولادى

والمجد بأديكم

رجعتوا أعيادى

\*\*\*\*\*

بغاية الخالق

يا مصر محفوظة

حالفين م حنق

يا كنانة جينالك

\*\*\*\*\*

حنق احلامنا

أهلاً بأيامنا

والدنيا تحلى لنا

وولادنا يتهنوا

## السفر والحنين

شايلة حمايل وحدتى

سافر وسابنى بلوعتى

يا خوفى تاخذ بسمتى

والغربة بتووه قلوب

ينزف أسى ٠٠ فوق الجبين

سابلى الحنين ٠٠ مليون أنين

يبعد سنين عن دنيتى

ويقول قدر مكتوب لنا

والمال ما يسوى فرحتى

تحرق شابابنا وحبنا

ارجع ونور دنيتى

تشقى هناك ٠٠ واتعب هنا

دا مش قدر مكتوب لنا

وتقول بنبنى عشنا

تدفع حياتك للغريب

لجل القلوب ٠٠ تطرح ورود

مكتوب تعود ٠٠ تحيى الوجود

خلى جهودنا لأرضنا ندى وناخذ حقنا  
مشاقة تجمع شملنا عيشه كريمة ف مصرنا

تسعد حياتي ودنيتي

ييجى الأمل ٠٠ يضىو القمر فوق السهارى ينتظر  
لما النهار ٠٠ يصبح ييوس ليل الهوى ف خد البشر  
يبقى الزمان ٠٠ حب وحنان قلبين وفى جزيرة أمان  
واحضن حبيبي بلهفتي وتعود دموى م السفر  
تزرع جناين ٠٠ طرحها فرحة يغنيها القدر

وارتاح وتضحك دنيتي

## أهلاً بيك

أهلاً بيك أغلى الأحاباب      أهلاً بيك من بعد غياب  
فيه القلب ف حبك داب  
دانت البدر .. وانت الفجر      وانت الوصل .. وليه الهجر؟  
ساعة قرب تساوى العمر  
يوم ما بتبعد شمسى تغيب      ينقص عمرى سنين ويدوب  
واحنا ف حزن الشوق بنطيب  
فرح قلبى دقة بدقة      واعزف لحن هوانا برقة  
مشتاق أنسى سنين الفرقة  
نبنى ف شط البسمة حياه      يلقى فيها القلب مناه  
فيها الحب الزاد والجاه  
نزرع حب ف قلب الليل      يطرح سعد لمليون جيل  
بس نعيش فوق وادى النيل

## نساك القلب

نساك محبوبى يا قلبى  
وبات يرقص ومتهنى  
فـي يـوم العـيد  
وأنا ف تنهى  
دا جـد جـديـد  
دموعى صاحية بتقولى

حبيبي ازاي بينساني!؟

دا كان من بدرى بيصبح  
ويجى لقلبي وبيبارك  
برقعة وزوق  
بكل الشوق  
وأفرد فرحى ع الدنيا  
وارفرف فوق

دا يجى يوم وينساني!؟

أنا اللي عمرى ما نسيته  
ولا أفكر يهون لحظه  
ولا أقدر  
ولو يهجر  
وأقول يا قلبى إيه رأيك؟  
يقول " نصبر "

ما يقدر حبى ينساني

نروح نسال ونطمّن على المحبـوب  
ونخلق عذر يشفع له عشان بنـدوب  
في شرع الحب ما نكره قدر مكتـوب  
حصونه مهما ينساني

مسير الحب حيزهر في بسـتانا  
ونحضن عطره بقلوبنا وننتهـنـي  
ومين شافنا يقول م الشوق : عقبالـنا  
وعيش والحب هناني

## اسمعي

زى ما سمعت العزول اسمعنى لما أقول  
ياللى ضيعت الهوى اللي كان يطلب ينول  
اسمعى القلب اللي حبك اللي عاش العمر جنبك  
تسحره بسمة عيونك ينتشى من همس قلبك

كان مناه الشوق يطول

عشت احلم بالأمان بين عيونك والحنان  
والأمل عطرّ ونور جيت أبوس خد الزمان  
كل حته مشينا فيها حبا خضر واديها  
كل بسمة .. كل نسمة كان فؤادى بيراعها

لجل عمر الشوق يطول

العوازل سهروا ببيك      بدلوا أيام رضاك  
وابتدت أحلام هوانا      تنتحر في ليل أساك  
أنصحك ما تسمعي      تضحكيلي وتخدعي  
وافتكرت الحب منة      تمنحيه .. أو تمنعي

وارتوى زهر العزول

عايز أقول لكن كفاية      مش حنوصل أى غاية  
زى ما خنت الهوى      حانسى حبك للنهاية  
كل واحد له طريق      كل واحد له رفيق  
لو طريقك .. أو رفيقك      كنت أنا .. حصبح غريق

وارتمى ف بحر العزول

## وداع زهرة

وطول العمر نشوانة  
في كل الكون وهيمانة  
يخلى القلب يتهنى  
جمال حسنك وأتمنى  
أدوب ويأك حنيئة  
أقيد الفرح بعنيئة

مالك يا زهرة دبلانة  
وفاردة العطر متبسم  
وطيفك سحره م الجنة  
وأنا من بدرى بستتى  
في يوم ينعس على جبينى  
ورقة عوده تحيينى

\*\*\*\*\*

وقلت السعد في قدومك  
لقيت يا زهره جه يومك  
ويقطف قلبي بيعادك  
ويسهر شوقي لمعادك

عصرت الروح ورويتك  
وفوق الحسن ربيتك  
يشمك غيرى ويضمك  
وابات م الغيرة أتالم

وتسبح فيك أحلامي  
وعارفك لسه عاشقاني  
وانت بحرى والمينا  
ولكن أهلك وخلانك  
وبتعيشى ف أمانينا  
ياريت يا زهرة أغصانك  
لحزن الجاني زفوك  
في رمش عنيه لفوك

\*\*\*\*\*

يا أجمل زهرة مخلوقة  
بريح قلبى بعطورك  
مفـيش إلاك معشوقة  
وأحلى ايامى محروقة  
وأقول للزهر ياريتك  
يدوم حسنك وتتهنى  
في يوم تختار مقاديرك  
وتفرح بيك عصافيرك

## عشائِك أنتظر

عشائِك أنتظر — واحضن قلبِك وأدوب

وربك لا البشر — عالم ما في القلوب

\*\*\*\*\*

أشتاق لحظة لقا — تسعدني بين إديك

واهديك دنيتي — واتملي بنور عنيك

\*\*\*\*\*

مالي في الكون مني — إلا همسة رضاك

وأن كنت البدر فوق — جبي حيون سماك

\*\*\*\*\*

والقلب يـدق لـك      في كل نبض رق  
والعين .. والروح .. سوا      يقولك عندي حق

\*\*\*\*\*

واعاهدك وأوعدك      لبروحى اسعدك  
م انت النور والهوى      مين يقدر يبعدك ؟

\*\*\*\*\*

ومّا ربّك يريد      حتكون الدنيا عيد  
والفرح يدوم لنا      واحضن عمرى السعيد

من غير ما أنتظر

## هَلَّتْ

جوه القلب وحلّت

هَلَّتْ .. هَلَّتْ .. هَلَّتْ

وبحسن يفوق الحد

بجمال الروح والقد

على روحى وقلبي اتولّت

تايه في الدنيا وحيد

هَلَّتْ والقلب شريد

جاية بأشواق بتقيد

قالت : أنا فجر العيد

فردت بسمتها وولّت

في عيونها جزر ومد

دى حليوه فوق الحد

والشعر دا نيل امتد

وربيع زهر في الخد

وجبينها شمس وطلّت

روح قلبي كفاية فراق

قلتلها بشوق " مشتاق "

وابوك وأبويافراق

دا القلب عشانك راق

وعيلتنا لحننا صأئت

قالتها بكل الفرحة

قالت لى هات الطرحة

ما قدرت أنام ولا أصحه

بشفايف ورموش سارحة

لما الشرابات انبأئت

وحياه بيها اتهنيت

وبقالى أسرة وبيت

وف صورة بكرة لقيت

وارتاح البال وهديت

خطففتا الفرحة وعأئت

## في القلب مطرحك

طول عمرِك يا قمر

في القلب مطرِحِك

وان طالت غربتي حرجلك م السفر  
بالفرح وما جرحك  
مهما يجور الزمن إنني اللى ف دنيتى  
وبشوق من غير تمن أفديك بمهجتي  
لو نسمة تجررك  
عايز بسمة عنيك في القلب وع الشفايف  
تطفى لوعة فراقك في البعد م ابقى خايف  
من لحظة تجررك  
واطمئن عامله إيه مرتاحة واللا إيه ؟  
ونصون حب انكتب أرواحنا عايشه بيه  
ما يهون أو يجرك  
وارجعلك بالأمل وجراح الشوق تطيب  
والفرح يضمنا واحلف عنك ما غيب  
أو حاجة تجررك

## المحطة

والحليوة اتمخطرت

من عرقها اتعطرت

والشعور اتبعثرت

كنت واقف ع المحطة

فوق دراعها شايلة شنطة

والخدود م الحر قايدة

\*\*\*\*\*

عايزة منديل من ورق

آجى الطّف العرق

لو تقربّ ٠٠ تتحرق

جت وقالت : بعد إذّنك

رد قلبى ٠٠ قال خدينى

قلت له : حاسب تعال

\*\*\*\*\*

لما لينا اتبسّمتِ

قال خلاص دبت ف عنيا

فوق شفاه اتقسّمتِ

والتقيت نبضاتي غنت

ولجمالها سلّمتِ

والعيون باست ورودها

\*\*\*\*\*

رد شوقها بذوق نادالي

كنت أنا م الحب خالي

اشهدوا طلعة هلالى

قلت والله الفرحة قسمه

وشلت أنا شنطة حلالى

يومها سبنا القطر عدّى

## اغتيال فرح

### من وحى التطرف

الشمس قادت في البلد      والعاقبة منتظرة الولد  
ييجى ويطلب يدّها  
ييجى وراكب مُهْرته      ومعاه حبايبه وعزوته  
يخطب ويدفع مهرها  
لابس جديد ومعطره      يحلم ببيت حيعمره  
لما يوافق أهلها  
طلوا الكلاب ويا الضحى      قتلوا نفوس متفتحة  
فوق الطرق طاف دمها  
دى كلاب كتيرة مبعتره      وعيونها نار متسعره  
جاية بتنهش لحمها

وقفوا الكلاب ٠٠ في كل باب واتحاوطوا أحضان الشباب  
ما سابوا فرحة لأهلها  
الولد ماتت بسمته والدم سال فوق شفته  
وعيونه غمّض جفنها  
الشمس غابت والقمر والحلوة لسه بتتظر  
محبوبها يبجي يضمها  
لابسة الحرير متزوّقة وبلهفة ليه متشوّقة  
والفرحة طيرة ف قلبها  
صوت النسا شق السحاب جالها الخبر مليان عذاب  
الصدمة شأت عقلها  
امتى الزمان يولد أمان؟ لجل الهوى يلقي الحنان  
وطيورنا تهدي ف عشا  
الحلوة شيبها القدر وبصبر لسه بتتظر  
بسمة تخفف حزنها

## حيثك

واخترتك تبقى نصيبي  
وبقيت أجمل مكاتيبي

حيبتك .. وانت حبيبي  
واديتك قلبي وعمري

\*\*\*\*\*

وبعش أجمال أيامي  
من شوقي ليك وهيامي

با ضلل فيك وأدلل  
ولا كل الدنيا تقلل

\*\*\*\*\*

طاير بي على فوق  
خلت لي الضلمة شروق

وصبحت ف موكب شوق  
وبدوب وياك حنية

\*\*\*\*\*

وبقيت الكل ف واحد  
إيه أكثر من كده آخد

ما بقيت أهلي وأحابي  
وهواك بالدنيا بحالها

\*\*\*\*\*

واحفظ حبي وهنيتي  
تملاه حب وترويني

خليني معاك خليني  
واجمعنا ف عش صغير

## العودة

راجع مشتاق هَنا      من بعد سنين ضنى  
محروم من بسمتك      معرفتش مين أنا

في الغربة يا بلد

للنيل الصافي راجع      للحضن الدافئ راجع  
أسهر ويا القمر      واتمشى في المزارع

بالبنات والولد

أغطى بالسما      وترابك فرشتى  
والشمس تكون دوا      والنسمة جنتى

واعبد واحد أحد

راجع أعرق كثير      واكسبك بالحريير  
وابنيلك ميت هرم      الكون بينهم يطير

وبولدك يتسعد

أعرق لك مش لغيرك      أنت أولى بخيرك  
دا دين أوفيه على      أعشق ليلك ونورك

ويا بخت اللي أتوعد

## عود الفل

ياعود الفل يا نايم ٠٠٠ صباح الفل

بنبض القلب رايدينك ٠٠ يا روح الكل

\*\*\*\*\*

بعود ياسمين ٠٠ وريحانة ٠٠ مجاورينك

زرعنا الحب متعطر ٠٠ على جبينك

\*\*\*\*\*

وفى زهورك ٠٠ عيون الحسن تتكحل

ضفاير ليل ٠٠ طواها الفجر ٠٠ واتمهل

\*\*\*\*\*

وخد شوقى ٠٠٠ روى غصنك

وكل الروض ٠٠٠ عشق حسنك

\*\*\*\*\*

## السفر والحنين

يا عود الفل ٠٠٠ قلبى شاريك

تصونه ؟ ٠٠٠ واللالى شريك ؟

\*\*\*\*\*

لو الأيام تجمعنا ٠٠ ياعود الفل

حنغزل عمرنا فرحة ٠٠ ونورنا يهل

\*\*\*\*\*

ونسكن روضة في الجنة يزيناها سحر أزهارك

وتحكى الناس قصتنا مع ألعان أطيارك

\*\*\*\*\*

يا روح القلب يسعدنى حنان نبضك وإحساسك

ف أمان الله ٠٠ قوم فتح جنود الله حراسك

## الأولة

الأولة قلابي

والثانية حبي

والثالثة ربي

الأولة قلبي ٠٠٠ عشق نيلك في دقائقه

والثانية حبي ٠٠٠ وهب لك كل ساعاته

والثالثة ربي ٠٠٠ رفع ذكرك في آياته

الدرس دا يحيى النفوس ع الرمل دا أوعى تدوس

في الرمل دا أصل الحياة قوم طوقه بحضنك وبوس

\*\*\*\*\*

أول شروق ٠٠ كان من هنا أول صلاة ٠٠ كات مننا

وادي الهرم ٠٠ وادي القناة أرض الحضارة أرضنا

\*\*\*\*\*

تعظيم سلام يا كل حى  
المصرى فوق ٠٠ فوق كل شئ  
كبر وشوف ٠٠ بكره اللى جئ  
خلي ضلام الدنيا ضئ

\*\*\*\*\*

الاوله مصري

والثانيه مصري

ودائماً مصري

\*\*\*\*\*

الاوله مصري  
والثانيه مصري  
ودائماً مصري  
هو الألف والكون حروف بعده  
وحده رفع شمس الخلود بإديه  
هو السما..فوق الوجود ترويه

## كتبوا الكتاب

كتبوا الكتاب يا عاشقين  
يا أهل مصر الطيبين

قطفوا الزهور لجل الفرح      من جنابين الصابرين  
كتبوا الكتاب

\*\*\*\*\*

كتبوا كتاب .. كل الشباب .. يوم العبور  
لما الأسود .. جابوا الخلود .. فوق الغرور  
والمداين نورت .. والسفاين عطرت .. كل البحور  
كتبوا الكتاب

\*\*\*\*\*

والعروسة أرضنا ... زوقوها بنصرنا ... قالت تعيش  
يا بن البلاد  
دانتي الأمان ... طول الزمان ... غيرك ماليش  
مهما أتولد  
والفرح بيك من غير شريك يكمل بجيش  
مصر الأسود  
كتبوا الكتاب

\*\*\*\*\*

والمهر أرواح شعب      بيضحى فوق الصعب  
حالف باين وأب

## السفر والحنين

وبجرح ست سنين وسط الضياع تايهين

ويا الشعور بالذنب

لازم نعيش أحرار وندوب الأخطار

وندوب في أجمل حب

كتبوا الكتاب

\*\*\*\*\*

والمأذون هو التاريخ أما الشهود ٠٠ كل الأمم

والزفة كانت ع القناة والشمس في ضيى العلم

والشعب حاضن فرحته والنيل بيرقص والهرم

كتبوا الكتاب

\*\*\*\*\*

والسلام ... بعد الآلام ... صار ابننا

والغيطان ... طرحت حنان ... من حبنا

والريبع ... هنى الجميع ... دام عندنا

السفر والحنين

كتبوا الكتاب

\*\*\*\*\*

والكل عرقان في العمل

والحق جنباه واكتمل

ما بين ربوع وادى الأمل

يزرع سعادته لوأدنا

زى جودنا الأول

نجمع بشاير مجدنا

كتبوا الكتاب

\*\*\*\*\*

والله عقبال الصحاب

يا للى شاركتونا الفرح

والحب يفتح كل باب

ما حد فيكم ينجرح

نيجي نهنى كلنا

ونشهد فى يوم

كتب الكتاب

## مصر أم البشر

نحى وجودك بإدبنا  
راضع شوقك يا سينا

جينا نهارك وجينا  
نهديك عمر غالى

\*\*\*\*\*

يا مجد بيروى دمي  
يا مصر ابويا وأمى

يا فجر وبدر يضى  
يا غنوه شوق لابنى

\*\*\*\*\*

فيه سحر وله دلال  
ترقص زى الغزال

الزهر فوق رمالك  
والشمس تشوف جبينك

\*\*\*\*\*

وتتام تحت النخيل  
تحضن موجك يا نيل

تنزل وتبوس شطوطك  
وتقوم من كتر شوقها

\*\*\*\*\*

## السفر والحنين

والنيـل فارد جناحه      داخلى الليل يلالى  
ع الصحرا وفى السهول      يفتن كل العقول

\*\*\*\*\*

والصحرا اتبسّمت      وف توشكى اتكلّمت  
بكفاح العرقانين      م الفرحة اترّمت

\*\*\*\*\*

وولادك يعشـقوك      بيموتوا ويرفعوك  
فى قلوبهم ما فى غيرك      لولا الله يعبدوك

تحكى لك أهـماتك      والسد العالى شاهد  
والدم اللى فى قناتك      إن الكل جاهـد

\*\*\*\*\*

خايضين نار الحروب      عابرين بحر الألام  
باليتـم وبالجراح      لما جنبنا السلام

\*\*\*\*\*

شارب حُمرةِ خُدودِك  
منقوش بإيدِن أسودِك

يضحك فى الزهر لبْيَض  
مبنى فى القلب معبد

\*\*\*\*\*

والشيخ أم الصلا  
إنجيلها ع الملا

والمدننة كَبَّـرِتْ  
وكنيسة رتَلَّتْ

\*\*\*\*\*

الله اللى فطر  
من مصر أم البشر

يهدوا الريف والحضر  
أصل ام الأنبياء

\*\*\*\*\*

نيل مصر والتراب  
والخير فى كل باب

حافظين جوّه الكتاب  
قال " فيها ما سألتكم "

\*\*\*\*\*

يا مصر أم الرجال  
ونحقق الآمال

والصبر مهما طال  
حزnil كلمة محال

## باحلم بالهنا

بـاحلم بالهنا      دا كل المنى

\*\*\*\*\*

عشة صغيرة      في جنينة سماح

بالحب معطرة      يبقى الليل صباح

في عيوننا كنا

بسمة ع الجبين      للجيل اللي جاى

نفرده له الإيدى      ونقول شيل معاى

نبنى مجدنا

نعرق ليل نهار ونجيد العمل

نملئ الكون عمار ففي وادي الأمل

نسعد شعبنا

لا لحظّة ندم ولا آهة ألم

ترجع للقنّال والنيّل والهـرم

تجرح صفونا

يخضر السلام في قلوب البشر

ويغنى الحمام ويضوّى القمر

تسلم مصرنا

## التربة

غاطة دلع ٠٠٠ جابت وجع  
خد مننا ٠٠٠ جهد الجدع

\*\*\*\*\*

كان واد جميل ٠٠٠ زى القمر  
دا كان ملاك ٠٠٠ مش م البشر

\*\*\*\*\*

أمه وأبوه ٠٠٠ في العين شالوه  
ودوه حضـانة وعلمـوه

ما بين مدارس أجنبي بيحافظوا بيها ع الصبي  
نسبوا يقولوا لحضرته ازاي يقف في قبـلته

\*\*\*\*\*

## السفر والحنين

كبر الولد ٠٠٠ طال وانفرد  
يطلب ينول ٠٠ كل المدد  
من غير حساب ٠٠ لو حتى غاب  
تاه وانحرف ٠٠ وسط الضباب

\*\*\*\*\*

في الليل يبات ويا الشلل  
قال إيه ٠٠٠ بيكسر الملل

\*\*\*\*\*

قسم البوليس بينا أتصل

رحنا سألنا ٠٠٠

إيه حصل ؟

\*\*\*\*\*

قال تعرفوه؟؟ أيوه ابننا

فمين ربتوه؟؟ في حضنا

\*\*\*\*\*

## السفر والحنين

قال : الولد دا منحرف

ردينا .. لا

قال : معترف

طب إيه جريمته ؟ قول لنا

قال ... ده بيسرق عمرنا

\*\*\*\*\*

جالب مخدر للبلاد للبت باع .. زى الولد

\*\*\*\*\*

ورجعنا باللوم والعتاب ... للأهل ... ولكل الصحاب

\*\*\*\*\*

بنقول لهم من قلبنا صونوا شبابنا ومصرنا

مصر اللي ضمتنا بحنان ما ترضى خاين

أو جبان

## حسنتاك

حسنتاك لو غبت سنين  
واتمناك ترجع لي ف يوم  
حسنتاك  
حسنتاك

واروى الدنيا بحبى حنان  
وافتد شوقى ف كل مكان  
لما البدر بنوره يبان  
وافرد بسمة تغطى الكون  
حسنتاك  
حسنتاك

أوتار قلبى فيه بتقيد  
بهديلك ع الشمس نشيد  
بيغرد في غصون العيد  
فيه بلبل حاضنيه اتنين  
حسنتاك  
حسنتاك

تشفى بى أي مواجع  
حسنتاك ومسيرك راجع  
يغسل غربة عمرى الضايح  
شايل لي ف قلبك حب  
حسنتاك  
حسنتاك

وما تعود بالشوق حلقاك  
حسنتاك ولآخر عمرى  
تبقى حياتى جنة معاك  
والقى قلبك مستتيني

## نفس السؤال

كل يوم نفس السؤال      قوللى ليه الهجر طال ؟  
انت راجع لى أمتى ؟      واللا قلبك عنى مال ؟

\*\*\*\*\*

مهما تهجر .. أقدر أصبر      بس أوع القلب يغدر  
دانتي حبك جوة قلبى      كل يوم عن يوم بيكبر

\*\*\*\*\*

في انتظار نور طلعتك      تحيى قلبى بهمسك  
والربيع يملا هوانا      في ابتسامة نظرتك

\*\*\*\*\*

ألف أهلاً .. لأشوية      دانتي روحى واللى لييه  
دانتي جنة مخلوقا لى      أنسى بيها الدنيا دييه

## فايته الوجود

فايته الوجود وبتحكيلى والشوق بيرقص ع الشفة  
والقلب دايب م الخفة هايم بيحلم بالزفة

\*\*\*\*\*

النجم ساهر يسمعنا والنيل وشطه بيجمعنا  
والليل دا عاشق بيلحن والنسمة تحفظ في المعنى

\*\*\*\*\*

طاف الهوى ومعطر شوق صحى البشر والطير من فوق  
حاضن هوانا وأسرارنا خلى ليالى القلب شروق

\*\*\*\*\*

الشمس طلعت بتصبّح والزهر بايت بيسبّح  
ردد معانى محبتنا خلى القدر رق وفتح

\*\*\*\*\*

واحنا ما نهجر أو نغدر أو عندنا تخطر سيرة  
من شك.. أو خوف .. أو غيرة أو يأس.. أو ضيق .. أو حيرة

\*\*\*\*\*

بالحب حنشق طريقنا بالحب ندرس أواقنا  
ونقول لعشاق الدنيا " الحب لحظة توفقتنا "

## ست العصر

سمعت القلب من شوقه يغنى لمصر

وكل الدنيا بتردد ... " يدوم النصر "

تدوم الراية مرفوعة تدوم البسمة مسموعة

يدوم عزك يا ست العصر

يا مصنع مدنته العالية حضارة تطل

يا شمس وفاردة أحضانها جنابين فل

يا قائدة الفرحة بجبينك في توب م التل

يا خير مبدور وماله حصر

السفر والحنين

يا ضئى العين يا محروسة حنبنى الغد

بروح وبهمة ملموسة ومالهها حد

ونزرع فى الوجود بسمة عزيمة وجد

ونحرس مجدنا والنصر

على جبين التاريخ شايفك شرع مفرود

شبابك هو ملاحك وكله جنود

يخلوا الصحرة تكلم بخيرها تجود

نزين بيك الوجود يا مصر

## القلب الطيب

سَلِّمْ لِي عَ الْقَلْبِ الطَّيِّبِ      رُوحَ قَلْبِهِ يَرْجِعُ لِي قَرِيبَ

رُوحُ قَلْبِهِ حُبُّكَ مُشْتَأَقُ      وَلِقُرْبِكَ مَلِيَانُ أَشْوَاقُ

أَوْصَلَهُ بِاللهِ لَا تَغَيِّبْ

أَوْصَلَهُ وَقَبَّلْ لِي عَنِيهِ      بِرَمُوشِكَ سَلِّمْ لِي عَلَيْهِ

رُوحَ قَلْبِهِ أَنَا مَلِكُ يَدَيْهِ      وَبِرُوحِي بِاللهِ أَفْدِيهِ

بِحَيَاتِكَ عَشِمِي لَا تَخَيِّبْ

رُوحَ سَافِرٍ فِي بِلَادِ اللهِ      وَابْحَثْ لِي عَنِ قَلْبِي مَعَاهِ

دَا قَدْرِي وَسَعْدِي وَيَّاهِ      وَنَا أَرْضُهُ وَبِحَرِّهِ وَسَمَاهِ

وَمَلَائِكِهِ وَالْحُضْنَ الطَّيِّبِ

جيهولى من وين ما يكون      لو حتى حتدور الكون  
من غيرُه لا بعيش ولا اكون      خد عقلى وفاتنى مجنون

ما هو روحى وعمرى وحييب

ارجع لى وحبى ويّاك      لا تعوّق يا طيرى هناك  
عطّر له جناحك وهواك      وانا قيد الشمع للقيّاك

حيجلى .. ما هو عهدُه قريّب

زغرودة .. أهو جالى الطيب

## سبعة وعشرين

سبعة وعشرين أعلي الأرقام      ليلة إسراء سيد الأقسام  
ليلة إعجاز .. ليلة إنجاز      ليلة معراج فوق أعلي مقام  
محلاك يا براق .. شايل أشواق      طه المحبوب .. للقا العلام

\*\*\*\*\*

سبعة وعشرين ليلة تنزيل      نور القرآن هادي ودليل  
فيها سلام وملايكة كرام      نازلين بأوامر رب جليل  
ليلة أقدار تتجى م النار      مقبولة التوبة لكل ذليل

\*\*\*\*\*

سبعة وعشرين .. دائماً أفراح فيه أسعد ليل وأرق صباح

أرواحنا تزور .. أحضان الحور وف شط النور ترسى وترتاح

وتتول غفران .. عند الرحمن من غير أحزان..إحسان وسماح

\*\*\*\*\*

قوموا يا حباب .. فوزوا بثواب رب الأرباب .. م الليل للفجر

اسعوا لرضاه.. وادخلوا في حماه بصيام وصلاة..حتتولوا الأجر

زوروا الأرحام..وارعوا الأيتام أصل الإسلام.. ما يحبش هجر

## إلى الله

يا رب يا رحمن      قاصدك ومالي حد  
ناديت ونا حيران      والصبر زاد ع الحد

\*\*\*\*\*

لئى فؤاد مهموم      واقف على بابك  
سهران جفاه النوم      ضمه لأحبابك

\*\*\*\*\*

عاصي وكله ذنوب      والمعصية خانقاه  
نادم وجي يتوب      إهديه إليك وارعاه

\*\*\*\*\*

السفر والحنين

سألم إليك أمره راضي بحكمك فيه

شأيل ذنوب عمره ونور رحمتك يكفيه

\*\*\*\*\*

ما عاد له باب في الكون واننت الرجاء والأهل

إن قلت " كون " حيكون والصعب يصبح سهل

\*\*\*\*\*

يا رب جيت بآباك ما تردني خايب

أقباني في رحابك خاليني فيك دايب

## الله حى

الله حى .. الله حى  
موجه ينادى  
حرق بلادى ..

لازم جى

وانت يا غاصب مهما تكون  
مهما يحاوروا ..

واللا يناوروا

القدس راجعلى يزين الكون

اقتل وأدى

واحرق جدى

ومص الدم

هات قناص

صب رصاص

مش حاهتم

أرضى دى عرضى

مش للبيع ..

زى الـ\_\_\_\_\_دين

جنة لولدى ..

ونار ومرار ..

للغاصـ\_\_\_\_\_بين

جوه ترابها ..

كل جدوى ..

وابويا وأمي

وأنا بعددهم ..

لجل عيونها ..

أوهب دمي

واوصى وأيدى ..

ويا حفيدى ..

يصونوا العهد

لما الشمس ..

تدفي سمانا ..

ونجنى الشهد

واخلى هواها ..

فوق اولادك ..

كله بارود

يسحق يحق ..

اللى غصبتة ..

لابد يعود

وازرع شجرة ..

تحتها حجرة

فوقها ولاد

بيغنوا يقولوا ..

اصحى يا دنيا .. هنا اسياد

اصحى يا دنيا .. هنا اسياد

## فلسطين

هل هلاكك يا فلسطين

وحشة كبيرة ..

وشوق وحنين

فرحة وطرحة ..

وفل وتل ..

وحنه سويسى للعاشقين

زفة ولفة ف كل الكون

فوقها حمامة وغصن زتون

وف أحضانك ضمى ولادك

دول عاشقينك ..

عشق جنون

وولاد صابرا .. وياشاتيلا

دول من يافا ودير ياسين

السفر والحنين

بايعين روحهم ..

لجل الأقصى ..

ويا القدس يعودوا للعيلا

يا للا يا مريم .. باركى كفاحهم

داوى جراحهم ..

شدى إيديهم

رفعوا صليبك .. لجل حبيبك

هو وأحمد ..

يشفعوا ليهم

ندر علينا ..

نخلى هالك ..

يعلى ويصبح بدر كبير

يضوى ف مكة ..

وع الأهرام

ويا البصرة وف أغادير

وارو نشيدك ..

واحمى حفيدك

وازرع قلبى ورود لشهيدك

عشان وأدك ..

طهروا أرضك

بيضوا عرضك ..

فكروا حديدك

خاضوا معارك ..

خلوا مسارك ..

خالد زكره ف عليين

رى يبارك ..

في اللى يشارك

يسلم دائماً ..

قولوا آمين

يسلم دائماً قولوا آمين

## أغلى حروف

الفاء .. واللام .. والسين .. والطاء      والياء .. والنون

\*\*\*\*\*

أغلى حروف .. وأشد كفوف      يعرفها الكون

\*\*\*\*\*

والأطفال عمالة تحارب      تدى الدرس لجيش مغرور

حافلة تقاوم .. مش بتساوم      لجل الأقصى يعود منصور

\*\*\*\*\*

كل كفوفها بترمى حجارة      بكرة الحجرة تبقى بارود

تجعل دم الشهدا منارة      لما الحق لصاحبه يعود

\*\*\*\*\*

واحدة العهد ف يوم حطين      على إيد جدى صلاح الدين  
تحمى هواها م الغاصبين      تروى النخل وتزرع تين

\*\*\*\*\*

دول يحتاجو ف كل صباح      وقفه عفيّة ومال وسلاح  
وحدة تصون كل الأرواح      قوموا يا عرب  
الفجر أهو لاح

## صهيون

عريد وصول في الأرض      قطعها طول أو عرض  
واصرخ في كل الكون      قوَّله : أنا صهيون  
ماليّ دين أو عهد

\*\*\*\*\*

عريد ولا تهتم      لاأبـد يوم تـتـلم  
عمر كـ سراب بيـزول      مسنود بحيط بيـمـيل  
أوشك خلاص ينهد

\*\*\*\*\*

شمسى بدت بتطُّل      تكسى العذارى ثل  
وتحيل نهـارك ليـل      أسود ٠٠ مافيه قنـديل  
م المهد حتى اللحد

\*\*\*\*\*

يا دم كل شهيد      عطر صباح العيد  
وعد الإله قاطع      عيسى النبي راجع

يفتح كنيسة المهدي

\*\*\*\*\*

ويعلّى راية الحق      زى الجبل تتدق  
فيها هلال وصليب      وصبية حاضنة حبيب  
ينسوا الدموع بالشهد

## شايك يا بكره

شايك يا بكره بتتولد .. زى الريبع  
أبيض .. معطر .. بسمتك تروى الجميع

\*\*\*\*\*

شايك صباحك .. من عيون السد طال  
فرحان .. وخيرك .. ويامية نيلى هال

\*\*\*\*\*

شايك في توشكى .. زى حزن الأم دافى  
فيك الأمل .. ويا الأمان .. بيقول عوافى

\*\*\*\*\*

فيك الغصون متفرعة .. تطرح سلام  
أخضر .. وعالى .. يضلله سرب الحمام

\*\*\*\*\*

يحمى ضلّمة كل ليل

شايّف شعاعك

كل جيل

حالف لتسعد جنب جيلي

\*\*\*\*\*

مش صغير

شايّفك يا بكره وانت راشد ..

إيدك تعمّر

زي البطل .. في كل دار ..

\*\*\*\*\*

فوق مصانع تتبني

شايّفك مداين ..

ما تتحنني

شايّل سلاح .. يحمي الجباه

\*\*\*\*\*

فوق جبين الحر صاحي

شايّف ضميرك ..

تسلم صباحي

يني حضارة مصرنا ..

## سینا

لسه عیوتّا علیکی یا سینا      شایفة عبورنا وشوقک لینا  
شایفة جنودنا ف حزنک تزرع      نصر وفرح ومجد وادینا

\*\*\*\*\*

لسه قلوبنا دروع لرمالک

تروی نخیلک ..

تقدی جبالک

تحرس طورک ..

تحضن دیرک

یاللی ترابک نور یهدینا

\*\*\*\*\*

م انت ف جبلك جت أديان      وف أشجارك جه قرآن  
وان كان حد لمجدك ناسى      موسى دا مصرى ومولود فينا

\*\*\*\*\*

مين حيصا أولك ؟  
أو حيطا أولك ؟

واحنا بروحنا كانا حولك  
إيدنا تعمر .. تزرع .. تصنع      شايلة سلاحنا يصون أراضينا

\*\*\*\*\*

أصلك غالية .. رايتك عالية      وبدرك ساطع من رمضان  
جوك صافى .. بحرك شافى      واحنا سفاين ٠٠ وانت المينا

وانت الجنة وصى عينا

## مستىكى

مستىكى .. وقلبى شاريكى .. بحلم بيكى .. عايش ليكى

\*\*\*\*\*

طوفى الدنيا .. فى بلاد تانية .. قلبى معاكى .. ثانية بثانية

\*\*\*\*\*

هو حبيبك .. هو نصيبك .. مهما تدورى .. مش حيسيبك

\*\*\*\*\*

م أنت ملاكى .. روجى فداكى .. يالى الدنيا .. هى رضاكى

\*\*\*\*\*

مش بتصور .. دنيا تنور .. وانى بعيدة .. مهما أدور

\*\*\*\*\*



## أنا رايدك

تقوللى لا .. تقوللى آه أنا رايدك بشرع الله  
رايد قلبك وإحساسك رايد أهلـك .. رايد ناسك

يا اعلـى كل خلق الله

أصونك بالفؤاد والروح وأصير ضلك مكان ما تروح  
لا افوتك يوم ولا أسلاك وأكون سعدك وضى سماك

ودا عهدى أمام الله

أريدك لو تاخذ عمرى واسلم بين إيدك أمرى  
ولا أندم .. ولا أهتم كفاية القلوب تتلم

ويرعى حبنا الله

لا رايد جاه ولا أموال حعيش وياك فى أسعد حال  
كفاية همستك ليّه كفاية بسمة وردية

تتور فوق بلاد الله

## خليكى في العش

لسّه الريشة صغيرة .. خليكى في العش  
لا الريح صابحة ممطرة والله ما بنغش

\*\*\*\*\*

ورزقك عندك لازم جى ييجى ف ضلمة .. ييجى ف ضى  
ريك قاسمه فوق في سماه ييجى لصاحبه بأمر الحى

\*\*\*\*\*

واما جناحك بيقى كبير طيرى وعلى فوق الكل  
لا تخافى مطره ولا صياد وابدرى عشك ورد وفل

\*\*\*\*\*

واسعدى إلفك .. وارضى هواه واحفظى ودّه جوّه العين  
واوعى الدّهر يفرّق بينكم شرع الحب أتتينا اتنين

\*\*\*\*\*

واما تلاقى الدنيا تجُور      خليكى دائماً قرب العش  
وقولى لكل الطير .. ان احنا      قلبنا صافى .. ما بيغش

\*\*\*\*\*

وانت يا سمكة أوعِ الحوت      مستنيكى جوه البحر  
اللى يقرب منه يموت      زى الموجة يحب النحر

\*\*\*\*\*

أما الغابة .. زى الناس      فيها الشهد .. ومر الكاس  
فيها نسور .. فيها نمور      فيها الحق مالوش حراس

\*\*\*\*\*

فيها عصابة وماسكة سلاح      تحصد بيه كل الأرواح  
طفل وشاب وست وشيخ      مالية الدنيا جراح ونواح

\*\*\*\*\*

وانتِ خسارة .. يا قمر الحارة      خلى شموعك لينا منارة  
خليكى نسمة .. وروح مبتسمة      تخلى عيون الكل سهاره

## بوّءك

بوّءك .. قبل الرحيل بوّء العمر الجميل

بوّء الشوق والحنون بوّء القلب الحنون

وبينظفي آخر شعاع

ليه يا قمر خانقاك غيوم؟ حتى القدر مليان هموم

والقلب ضاعت قبائمه قتل الزمان فيه نبضته

واللى انقتل تاكله الضباع

إيه يا زمن؟ مش باعتبك مين يا زمن .. حا يغلبك؟

تاخذ ربيع .. وتجب شته وتقوت قلوب متشتته

إيه سبت لى غير الضياع

لا .. مش بلومك يا حبيب      لا انت القدر .. ولا النصيب  
واللى انكتب فوق الجباه      ما ينمحي طول الحياه  
طب ليه ألوم والعمر ضاع ؟

فوتتى وقلبي لك متاع      حافظ هواك .. عمره ما باع  
مشتاق رجوعك يا قمر      ونعيش سوى من غير وداع

## ميلا هوب

هيلا هوب .. هيلا هوب احنا قلوبنا جناين حب

نزرع خير .. لنا والغير فين ما نروح .. خيرنا يصب

هيلا هوب

نزرع رمل بلادنا جناين والشيطان نبنيتها مداين

أما السما يكسيها علمنا نبضنا رافعه بأكبر حب

هيلا هوب

يا لآيا بكره قوم وتعاله شوف همتنا ازاي شغالة

شوف خطاويننا.. شوف أيادينا شوف أمجادنا منين ما نطب

هيلا هوب

وانت يا صابرة.. جايلك بكرة  
بين أحضانى .. شايلك حرة  
اديكى عمرى وارعى هواك  
وانت معايا الروح والقلب

هـيـلا هـوب

\*\*\*\*\*

هـيـلا هـوب ٠٠ هـيـلا هـوب

مصر حياتنا..مصر الحب

## أحلى حلوة

يا أحلى حلوة قولى      سايقا لى التقل ليه ؟

أجيب ألمان ولولى      واللا يرضيكى إيه ؟

لو عمرى .. يكون هديّة

فاكرانى أقدر أسيبك ؟      دانت وبس اللى ليّه

لو نجمة أطلع وجيبك      وافرش لك نور عينيه

مليان أحلام هنيّة

وافضل عايش لحبك      مهما يكون المصير

وانشرع النيل هوانا يملأه سحر وعبير

ونسمة شوق عفيّة

فيه عاشق عمره يهجر أحلى نبضات فؤاده؟

والهمسة والابتسامة؟ أو يخلف يوم ميعاده؟

ويكون عاشق صبيّة؟

طب حتى شوفى قلبى م الحـب بيحترق

بيقول "وحياة جمالك" أموت لو نفترق

ويضيع كل اللي ليّه

يا تسيبي النبض يحضن أشواقنا المغرمة

يا كل الحـب يرحل م الأرض والسـمـه

والناس تصيح ضحيّة

## القلب والغزال

والحرب معرفـوش  
عن قلبى ملقتـوش  
صادوه منى الوحوش

نايم في الليل لوحدى  
صحيـت الصبح ادور  
يا نجدة إلحقينى

\*\*\*\*\*

عن قلبى ف كل هول  
ويبلغ لانتربول  
قال " الفاعل مجهول "

راح البـوليس يدور  
ويعلن عن مكافأة  
وبعد طول مشقة

\*\*\*\*\*

وشاكك في البنات  
دلوعمة م الذوات  
واستسلم من سكات

مشيت ابحت لوحدى  
كان قابل مرة صدفة  
ليكون في شباكها واقع

\*\*\*\*\*

وتعبت وجنب ناصية      مش قادر ع الوقوف  
ألقى غزال معدّي      وقلوب حواليه تطوف  
عامل قلبى ميدالية      تترقص في الكفوف

\*\*\*\*\*

ناديت " أمسك حرامى "      ضحكلى وبصّلى  
وقال " شهيد غرامى "      وخالص انضلمى  
رجعت اناف كلامى      ولا قلبى رقلّى

\*\*\*\*\*

قاللى الغزال برقة      " طول عمرى بعشّك  
يا تيجى جنب قابك      يا بحورى تغرقك "  
ضحكت وقلّت لأه      كداب ولا اصدقك

\*\*\*\*\*

بجربله واحصّ له

ولقيتني بكل شوقي

قال عذرك بقُبله

وقول غاطان سامحني

انا قلبى وصناتله

يا بوليس خبر ولادك

\*\*\*\*\*

كان فين؟ ومين غريم؟

سألني الصول نوباتجي

قال " سترك يا كريم "

قلت " اصطاده الغزال "

محنش قد الحريم "

" خليك حكيم وسلم "

## طالب القرب

أنا رايدك كل عمري يا قايده القلب نار  
نتهني بحبنا ونخلي الليل نهار

\*\*\*\*\*

حاجي واخطب عيونك بس أوعى تقولوا لأ  
لو لأ يبقالي أرحم تتشق الأرض شق

\*\*\*\*\*

والشبكة من فؤادي والشقة والجهاز  
واشريك جوه عيني من ساعة الجواز

\*\*\*\*\*

يبقى لى برضه أهـل

وأهـلـك والجـيـران

واختارى بكل مهـل

والصعب يكون علىـ

\*\*\*\*\*

البيت حتـتـ وـرـه

مستتى تقولى " شرف "

وترابك أقدـرـه

أجى ومعايا أهـلى

\*\*\*\*\*

ونطير فوق البشر

وأحـضـن بالفرح قابـك

والشمس والقمر

ونزور كل النجوم

## كعك الحبيب

الحلوة بقلب طيب ساكنه الروح والعين

قلت في العيد يا حلوة فمين كعك إديكى فمين؟

\*\*\*\*\*

قالت بعيونى اجيبه تاكل إيدك معاه

الكعكه منه تسوى العمر لمنتهاه

\*\*\*\*\*

أنا كالت كعكة واحدة خلتلى القلب دق

وبحر الشوق عبرته ما خفتش م الغرق

\*\*\*\*\*

وابص ف عينها أغرق      ما لقالى أى شط  
لله روحوا قولولها      القلب حداها حط

\*\*\*\*\*

والنار في الجنب قادت      والشوق زاد اللهب  
ياريت بعيونها تقره      في جبينى اللى انكتب

\*\*\*\*\*

مكتوب فرحة قلوبنا      تتغنى لكل جيل  
ما شافها غيرنا عاشق      ولا يخلى منها ليل

## لوعة

ليه رنيت .. يا تليفون  
بعـد سـكـوت ؟  
ليه صحيت فيّ الشوق؟  
سـيـبـه يـمـوت

\*\*\*\*\*

تسأل عنى عامل إيه ؟  
تفـرق إـيـه ؟  
فيّ النار .. ليل ونهار  
بيـدك إـيـه ؟

\*\*\*\*\*

قلبي ناداك .. وانت طليق  
زى الطير ر  
" خليك لى " .. سبته يتوه  
واختـرت الغـير

\*\*\*\*\*

روح وانساه .. بس تعيش ..  
مـش حيا مـوم  
كل مناه .. تبقى سعيد ..  
مـش محـروم

\*\*\*\*\*

يا أعز حبيب ...

بكفاية لهيب ...

وكفاية مـرار

لا القلب يطيب ...

ولا لى نصيب ...

تسعدنى يا جار

قسمة ومكتوب ...

أعشق وأدوب ...

وأعيش في النار

## الحائرة

مقدّرش أقول لقلّابك انسى واللاً افتكّر

أحلامنا وحبنا

اصبر ... يمكن نلاقى واحدة ف وادى القمر

بالحب تضمّنا

يا أحلى نبض جالى بيقول رايدك حلالى

ولآخر عمرنا

مش حبعد عن سيبك أو بيدى أقدر اجيلك

ونفرّح قلبنا

بَدْعى رب العباد يجمعنا م البعاد

ويبارك حبنا

ونعيش دائماً سوى نتهنى بهوى

والفرح يدوم لنا

## العمدة

يا عمدة كفرنا      يا حليوة معطّرة  
يا حارسانا بدلال      وبجبيبة قصة قيّرة  
عالية فوق الركب  
وفصوص في البطلون      وبلوزة مقلمة  
وبقصة طويله حبة      ع الخلد مسالمة  
والبنسة من ذهب  
والصندل كعب عالي      خصرك فوقه يميل  
يجذب كل القلوب      وتسلم للجميل  
من غير لحظة تعب  
وتطاردى المجرمين      بروجع الشفتين  
يشعل في القلب نار      ويطبأوا في الكمين  
من غير ما يتصب

يا عمدة كفرنا      مشـتاق اتجـوِّزك

واصبح خفير هنا      في الليل أوئسبك

بالدقن والشنب

وف يوم ما توضعى      الشرطة تكون طابور

وأن رحمت ترضعني      نستأذن المأمور

بمحبة وبأدب

أما يوم السبوع      نعمل لك مؤتمر

ونفيد كل الشموع      ونأكل البشر

ووزيرنا المنتخب

لكن خايف ألقى      أحلامي اتبدت

والبيت يصبح سلاحك      والزوجة اشئتت

ويفرقنا الغضب

يا عمدة كفرنا      عيشى أنتِ لأُسرتكِ  
لا تباتى في الخلا      ولا تبنى صحتكِ


في مكافحة الشغب

دى مهنة للرجال      اللي قلوبهم تشيل  
ما يخافوا م المحال      ولا ليهم روج نقييل

وبياتوا في القصب

اما انتِ مهنتكِ      جامعة مش مدرسة  
تدّى دروس الحياة      كاملة ما تنتسه

وف بيتها تتطلب



obeikandi.com



الفهرس


الصفحة	الموضوع	ممسلسل
٣	إهداء	١
٥	ست الكل	٢
٧	القلب دايب	٣
٩	رضاك دنيتي	٤
١١	نسيانك غلطتي	٥
١٣	زين الشباب	٦
١٥	الغريب	٧
١٨	إلى الغريب	٨
٢١	اللقاء	٩
٢٣	السفر والحنين	١٠
٢٥	أهلاً بيبك	١١
٢٦	نساك القلب	١٢
٢٨	أسمعيني	١٣
٣٠	وداع زهرة	١٤
٣٢	عشانك أنتظر	١٥
٣٤	هلات	١٦
٣٦	في القلب مطر حك	١٧

تابع الفهرس

الصفحة	الموضوع	مسلسل
٣٧	..... المحطــــــــــــــــة	١٨
٣٩	..... اغتيال فرح	١٩
٤١	..... حبيتهــــــــــــــــك	٢٠
٤٢	..... العــــــــــــــــودة	٢١
٤٣	..... عود الفل	٢٢
٤٥	..... الأولــــــــــــــــة	٢٣
٤٧	..... كتبوا الكتاب	٢٤
٥٠	..... مصر أم البشر	٢٥
٥٣	..... باحلم بالهنــــــــــــــــا	٢٦
٥٥	..... التريــــــــــــــــة	٢٧
٥٨	..... حســــــــــــــــتناك	٢٨
٥٩	..... نفس الســــــــــــــــؤال	٢٩
٦٠	..... فائتــــــــــــــــه الوجود	٣٠
٦٢	..... ست العــــــــــــــــصر	٣١
٦٤	..... القلب الطيــــــــــــــــب	٣٢
٦٦	..... ســــــــــــــــبعة وعشرون	٣٣
٦٨	..... إــــــــــــــــلى الله	٣٤
٧٠	..... الله حــــــــــــــــي	٣٥

تابع الفهرس

الصفحة	الموضوع	مسلسل
٧٣	..... فلســــطين	٣٦
٧٦	..... أغلى حروف	٣٧
٧٨	..... صهــــيون	٣٨
٨٠	..... شايـفك يا بكرة	٣٩
٨٢	..... ســــينا	٤٠
٨٤	..... مســــتيكي	٤١
٨٦	..... أنا رايدك	٤٢
٨٧	..... خليكي ي العش	٤٣
٨٩	..... بودعــــك	٤٤
٩١	..... هــــيلا هوب	٤٥
٩٣	..... أحلى حلوة	٤٦
٩٥	..... القلب والغزال	٤٧
٩٨	..... طالب القرب	٤٨
١٠٠	..... كعك الحبيب	٤٩
١٠٢	..... لوعــــة	٥٠
١٠٤	..... الحــــائرة	٥١
١٠٥	..... العمــــدة	٥٢
١٠٩	..... الفهــــرس	٥٣



obeikandi.com

